



REPUBLIKA E KOSOVËS/REPUBLIKA KOSOVA

GJYKATA THEMELORE GJILAN

Numri i lëndës: 2023:221510

Datë: 23.02.2024

Numri i dokumentit: 05365826

C.nr.1755/2023

GJYKATA THEMELORE NË GJILAN -Departamenti i Përgjithshëm, gjyqtarja Florije Qerimi, me bashkëpunëtorin profesionale Shkurte Kadriu, në çështjen juridike kontestimore të paditëses B. V. nga Gjilani, të cilën e përfaqëson Liman Musa avokat nga Ferizaji, kundër të paditurës K. e Gj., D. K. e A. në Gj., me objekt kontesti pagat përcjellëse, duke vendosur sipas ankesës së paditëses, jashtë seance, më datë 20.02.2024, mori këtë:

A K T V E N D I M

Hedhet poshtë si e paafatshme ankesa e paditëses B. V. nga Gj., e paraqitur kundër Aktgjykimit C.nr.1./2023 i datës 26.12.2023.

A r s y e t i m

Paditësja B. V. nga Gj., përmes përfaqësuesit të saj ka paraqitur ankesë me datën 09.02.2024, kundër aktgjykimit të kësaj gjykate, me numër C.nr. ../2023 i datës 26.12.2023.

Përfaqësuesi i paditëses me datë 09.02.2024, së bashku me ankesën ka dorëzuar edhe një parashtrësë në të cilën ka cekur që me datë 12.01.2024 fillimisht përmes postës ka dorëzuar ankesë, mirëpo i njëjti është njoftuar që ankesa nuk ka arritur në Gjykatë, ku i ka bashkëngjitur Dëftesën pëe Pranimin e Dërgesës të datës 12.01.2024.

Gjykata nga Dëftesa për Pranim e Dërgesës me nr.të pranimit 5361838 e datës 12.01.2024, ka vërtetuar që marrësi ka qenë Gjykata Themelore në Gjilani, mirëpo nuk ka vërtetuar se kush ka qenë dërguesi dhe cili ka qenë qëllimi i dërgesës, pra kjo dërgesë a ka të bëjë me ndonjë padi apo ankesë. Andaj, gjykata këtë dëshmi nuk e ka marrë të besueshme dhe se ankesa e datës 09.02.2024, është e paraqitur jashtë afatit të paraparë ligjor.

Gjykata bazuar në nenin 176 paragrafi 1 të LPK-së në të cilin thuhet: “Kundër aktgjykimit të dhënë nga gjykata e shkallës së parë palët mund të bëjnë ankim brenda afatit prej pesëmbëdhjetë ditësh (15), nga dita e dorëzimit të kopjes së aktgjykimit, po që se me këtë ligj nuk është caktuar ndonjë afat tjetër”, neni 186 paragrafi 1 në të cilin thuhet se: “Ankesën e paraqitur tej afatit të parashikuar me ligj, atë jo të plotë, apo të palejueshme e hedhë poshtë me aktvendim gjykata e shkallës së parë pa caktuar fare seancë gjyqësore”, par.2 “Ankesa

*është e pa afatshme po që se është paraqitur pas skadimit të afatit ligjor për paraqitjen e saj”, - vendosi si në dispozitiv të këtij aktvendimi.*

Gjykata Themelore në Gjiilan-Departamenti i Përgjithshëm  
C.nr.1755/2023, me datë 20.02.2024

Gjyqtarja,  
Florije Qerimi

**UDHËZIM JURIDIK:** Kundër këtij aktvendimi mund të ushtrohet ankesë në Gjykatën e Apelit në Prishtinë, në afat prej 15 ditë, pas pranimit të të njëjtit, nëpërmjet kësaj gjykate.